



## თავი I. ზოგადი დებულებები

### მუხლი 1. ა-ლიგის ჩატარების უფლება

ა-ლიგის ჩემპიონატის (შემდგომში “ტურნირი”) ჩატარების ექსკლუზიურ უფლებას ფლობს საქართველოს კალათბურთის ეროვნული ფედერაცია (შემდგომში “ს.კ.ე.ფ”).

### მუხლი 2. ტურნირის ჩატარების წესები

ტურნირი ტარდება „კალათბურთის ოფიციალური წესების” და წინამდებარე დებულების შესაბამისად. ტურნირის ყველა მონაწილე ვალდებულია გაეცნოს და შეასრულოს „კალათბურთის ოფიციალური წესების” და წინამდებარე დებულების მოთხოვნები.

### მუხლი 3. ტურნირის ორგანიზების და ჩატარების ხელმძღვანელობა

ტურნირს ორგანიზებას და ჩატარებას ხელმძღვანელობს “ს.კ.ე.ფ.” საშეჯიბრო დეპარტამენტის მეშვეობით.

## თავი II. ტურნირის ჩატარების მიზნები

### მუხლი 4. ტურნირის ჩატარების მიზნები

ტურნირის ჩატარების მიზანია:

- გუნდების კლასიფიკაცია;
- საქართველოს ეროვნული ჩემპიონატში (სუპერლიგაში) გადასასვლელად საუკეთესო გუნდის გამოვლენა;
- ტურნირში მონაწილე მოთამაშეების ოსტატობის დონის ამაღლება;
- საქართველოში კალათბურთის შემდგომი განვითარება.

## თავი III. გუნდებისა და მოთამაშეთა დაშვება ჩემპიონატში

### მუხლი 5. გუნდების დაშვების პირობები

5.1 ა-ლიგის გუნდები დაიშვებიან ტურნირზე 2015-2016 წლის სეზონის შედეგების გათვალისწინებით, სულ 6 (ექვსი) და ტურნირის საკვალიფიკაციო ეტაპზე მოასპარეზე გუნდებიც ასევე წინამდებარე დებულების მოთხოვნების შესრულების პირობით, საშეჯიბრო დეპარტამენტის ან/და ს.კ.ე.ფ-ს გამგეობის გადაწყვეტილებით.

5.2 ტურნირში საასპარეზოდ გუნდი ვალდებულია შემოიტანოს სამონაწილეო თანხა 8000 (რვაათასი) ლარი 2017 წლის 5 თებერვლამდე, ხოლო საკვალიფიკაციო ეტაპზე მონაწილე გუნდები ვალდებული არიან შემოიტანონ სამონაწილეო თანხა 2000(ორიათასი) ლარი 17 ნოემბრამდე

5.3 ტურნირის ძირითადი 4(ოთხ) გუნდი, რომლებმაც 2015-2016წლების სეზონში დაიკავეს 1-4ადგილები, ვალდებული არიან ახალი, 2016/2017წლების სეზონის განცხადი, წარმოადგინონ ელექტრონული ფორმით 2016წლის 4ნოემბრამდე. ტურნირის განაცხადში ჩაწერილ მოთამაშეთა მაქსიმალური რაოდენობა არ უნდა აღემატებოდეს 16(თექვსმეტი)-ს, ხოლო მოთამაშეების მინიმალური რაოდენობა არ უნდა იყოს 8(რვაზე) ნაკლები. ასევე მთავარი მწვრთნელი, დამხმარე მწვრთნელი არაუმეტეს 2(ორი) პირისა და სამედიცინო პერსონალი არაუმეტეს 3(სამი) პირისა.

5.4 ტურნირის 2(ორი) გუნდი, რომლებმაც 2015-2016წლების სეზონში დაიკავეს 5-6ადგილები, ვალდებული არიან ახალი, 2016/2017წლების სეზონის განცხადი, წარმოადგინონ ელექტრონული ფორმით 2016წლის 11ნოემბრამდე. ტურნირის განაცხადში ჩაწერილ მოთამაშეთა მაქსიმალური რაოდენობა არ უნდა აღემატებოდეს 16(თექვსმეტი)-ს, ხოლო მოთამაშეების მინიმალური რაოდენობა არ უნდა იყოს 11(თერთმეტზე) ნაკლები. ასევე მთავარი მწვრთნელი, დამხმარე მწვრთნელი არაუმეტეს 2(ორი) პირისა და სამედიცინო პერსონალი არაუმეტეს 3(სამი) პირისა.

5.5 ტურნირის საკვალიფიკაციო ეტაპზე მოასპარეზე გუნდები, რომლებიც მოქმედებენ აღნიშნული დებულებით ვალდებული არიან ახალი, 2016/2017წლების სეზონის განცხადი, წარმოადგინონ ელექტრონული ფორმით 2016წლის 11ნოემბრამდე. ტურნირის განაცხადში ჩაწერილ მოთამაშეთა მაქსიმალური რაოდენობა არ უნდა აღემატებოდეს 16(თექვსმეტი)-ს, ხოლო მოთამაშეების მინიმალური

რაოდენობა არუნდა იყოს 11(თერთმეტზე) ნაკლები. ასევე მთავარი მწვრთნელი, დამხმარე მწვრთნელი არაუმეტეს 2(ორი) პირისა და სამედიცინო პერსონალი არაუმეტეს 3(სამი) პირისა.

5.6 გუნდს 16(თექვსმეტი) კაციან განაცხადში შეუძლია შეიყვანოს სუპერლიგის (2016-2017 სეზონის) არაუმეტეს (გათავისუფლების ფურცლის მქონე) 3 (სამი) მოთამაშე, უცხო ქვეყნის მოქალაქეობის მქონე სუპერლიგის (2016-2017 სეზონის) არაუმეტეს (გათავისუფლების ფურცლის მქონე) 3 (სამი) მოთამაშე.

5.7 გუნდს 16(თექვსმეტი) კაციან განაცხადში შეუძლია შეიყვანოს 20-წლამდელთა ასაკობრივი ჩემპიონატიდან არაუმეტეს (განთავისუფლების ფურცლის მქონე 3 (სამი) მოთამაშე.

5.8 გუნდს 16(თექვსმეტი) კაციან განაცხადში შეუძლია შეიყვანოს 20-წლამდელთა ასაკობრივი ჩემპიონატიდან (მოქმედი) მოთამაშეები ულიმიტოდ, დამატებულ მოთამაშეებს არ ეკარგებათ ადგილი აღნიშნულ ასაკობრივ ჩემპიონატში.

5.9 გუნდს 16(თექვსმეტი) კაციან განაცხადში შეუძლია შეიყვანოს 18-წლამდელთა ასაკობრივი ჩემპიონატიდან არაუმეტეს (განთავისუფლების ფურცლის მქონე 5 (ხუთი) მოთამაშე.

5.10 გუნდს 16(თექვსმეტი) კაციან განაცხადში შეუძლია შეიყვანოს 16-წლამდელთა ასაკობრივი ჩემპიონატიდან არაუმეტეს (განთავისუფლების ფურცლის მქონე 2 (ორი) მოთამაშე.

5.11 უცხო ქვეყნის მოქალაქეობის მქონე მოთამაშეებისთვის აუცილებელია შემდეგი ცნობების წარმოდგენა:

- პასპორტის ასლი, რომელზეც ნათლად ჩანს მფლობელის მოქალაქეობა, სრული სახელი და გვარი, დაბადების თარიღი და ადგილი, ფოტოსურათი;
- თითოეული მოთამაშისთვის 2 ეგზემპლარად შევსებული ფიბა-ს საგანგებო ფორმა ინგლისურ ენაზე;
- გათავისუფლების წერილი იმ ქვეყნის კალათბურთის ფედერაციიდან, რომლის კლუბშიც მოთამაშე ასპარეზობდა ბოლოს.

5.12 უცხო ქვეყნის მოქალაქეობის მქონე მოთამაშეების ლიცენზირებისთვის გადასახადი შეადგენს:

- პირველ მოთამაშეზე - **1000 (ათასი) ლარი;**
- მეორეზე და შემდეგ მოთამაშეებზე – თითოეულისთვის **1700 (ათასშვიდას) ლარი;**

5.13 უცხო ქვეყნის მოქალაქეობის მქონე მწვრთნელის ლიცენზირების გადასახადი შეადგენს თითოეულისათვის **800 (რვაასი) ლარი.**

5.14 ტურნირზე მონაწილეობასთან დაკავშირებული ყველა ფინანსური ანგარიშსწორება უნდა განხორციელდეს ს.კ.ე.ფ-ის საბანკო ანგარიშზე.

### საქართველოს კალათბურთის ეროვნული ფედერაციის რეკვიზიტები:

საფოსტო: **0162**, ქ. თბილისი, ჭავჭავაძის გამზირი 49ა.

საბანკო: „სს თიბისი ბანკი“ ანგ.№ **GE71TB3963436080100005**

ბანკის კოდი: **TBCBGE22** ს/კ **204851838**

ტელეფონი: 223 53 84

ფაქსი: 229 28 90

ელ. ფოსტა: [basket@gol.ge](mailto:basket@gol.ge)

### მუხლი 6. მოთამაშეთა და მწვრთნელთა დამატება განაცხადში

6.1 ტურნირზე 16(თექვსმეტი) კაციან გუნდების განაცხადში (5 იანვრამდე) დაფიქსირებულ მოთამაშეთა გუნდიდან გუნდში გადასვლა ან/და 16(თექვსმეტი) კაციან განაცხადში დარჩენილ თავისუფალ ადგილას ახალი მოთამაშის დამატება ტურნირის მსვლელობისას აკრძალულია (ამ მუხლში მოყვანილი გამონაკლისი შემთხვევების გარდა).

6.2 ა-ლიგის მონაწილე გუნდმა განაცხადში შესაძლებელია შეიყვანოს ა-ლიგის საკვალიფიკაციო ეტაპიდან ა-ლიგაში ვერგასული გუნდის 1 მოთამაშე, რომელსაც ექნება განთავისუფლების ფურცელი

6.3 გუნდს 20-წლამდელთა ასაკობრივი ჩემპიონატიდან მატჩის განაცხადში შეუძლია შეიყვანოს (16(თექვსმეტი) კაციან განაცხადში დარჩენილი ლიმიტის გათვალისწინებით) მოთამაშეები თავისი ასაკობრივი გუნდიდან და ყოველ მომდევნო მატჩში ცვალოს ეს მოთამაშეები. კალათბურთელებს რომლებსაც ამ პუნქტის რეგულაციების საფუძველზე გუნდი შეიყვანს განაცხადში, არ ეკარგებათ ადგილი იმ ასაკობრივ ჩემპიონატებში, სადაც არიან წარმოდგენილნი.

6.4 ტურნირში მონაწილე გუნდმა განაცხადში შესაძლებელია შეიყვანოს 2001 წელს დაბადებული მაქსიმუმ 2(ორი) მოთამაშე და 2002 წელს დაბადებული მხოლოდ 1(ერთი) მოთამაშე.

6.5 გუნდს არ აქვს უფლება საერთო განაცხადში შეიყვანოს სუპერლიგაში მოასპარეზე მწვრთნელები.

### მუხლი 7. გუნდის შემადგენლობა

7.1 გუნდს თამაშის განაცხადში შეუძლია შეიყვანოს და მატჩზე წარადგინოს გუნდის განაცხადში მითითებული 12(თორმეტი) მოთამაშე, არანაკლებ 10(ათი) მოთამაშისა. ამ პუნქტის დამრღვევს ეკისრება ჯარიმა **100 (ასი) ლარის** ოდენობით 10(ათი)-ზე ნაკლებ თითოეულ მოთამაშისთვის.

7.1.1 გუნდს (16 კაციანი) განაცხადში შეუძლია ჰყავდეს მაქსიმუმ 3 (სამი) უცხო ქვეყნის მოქალაქეობის მქონე მოთამაშე.

- 7.1.1.2 მატჩის მსვლელობისას გუნდს მოედანზე შეიძლება ერთდროულად ჰყავდეს 3 (სამი) უცხო ქვეყნის მოქალაქეობის მქონე მოთამაშე.
- 7.1.1.3 მოთამაშე, რომელსაც ნატურალიზაციის გზით აქვს მიღებული საქართველოს ორმაგი მოქალაქეობა და არ უთამაშია საქართველოს ეროვნულ ნაკრებში ჩაითვლება ლეგიონერის (უცხო ქვეყნის მოქალაქეობის მქონე) სტატუსის მატარებლად.
- 7.2 თითოეულ გუნდს უნდა ჰქონდეს სათამაშო ფორმის მინიმუმ ორი კომპლექტი, რომლებიც უნდა შეესაბამებოდეს „კალათბურთის ოფიციალური წესების“ მოთხოვნებს. ერთი კომპლექტი – ღია ფერის და მეორე კომპლექტი – მუქი ფერის.
- 7.3 იმ შემთხვევაში, თუკი თამაშში მონაწილეობას მიიღებს მოთამაშე ან მწვრთნელი, რომელსაც უნდა გამოეცოვებინა იგი დისკვალიფიკაციის გამო, გუნდს ეთვლება წაგება „უფლების ჩამორთმევით“.
- 7.4 იმ შემთხვევაში, თუ მატჩის მსვლელობისას სათადარიგოთა სკამზე სხედან გუნდის წარმომადგენლები (მწვრთნელის ასისტენტები, სამედიცინო პერსონალი), რომელთაც უნდა გამოეცოვებინათ იგი დისკვალიფიკაციის გამო ან პირები რომლებსაც არ აქვთ სათადარიგოთა სკამზე ჯდომის უფლება, გუნდი ჯარიმდება **400 (ოთხასი) ლარით**.

## თავი IV. ტურნირის ჩატარების სამართლებრივი ასპექტები

### მუხლი 8. “საქართველოს კალათბურთის ეროვნული ფედერაციის” უფლებები

ტურნირის მატჩებში მონაწილე გუნდებმა უნდა აღიარონ ს.კ.ე.ფ-ის შემდეგი უფლებები:

- 8.1 ტურნირის მატჩების ტელეტრანსლაციებზე.
- 8.2 მარკეტინგულ და სალიცენზიო უფლებები ტურნირის ლოგოზე, სიმბოლიკაზე, ოფიციალურ დევიზსა და დასახელებაზე, საფაჭრო ნიშნებსა და საფაჭრო მარკებზე.
- 8.3 ს.კ.ე.ფ-ს მიერ დამზადებულ პოლიგრაფიულ, სუვენირულ, თუ სხვა სახის პროდუქციაზე განთავსებულ რეკლამაზე.
- 8.4 ტელე, ვიდეო და ფოტომასალის გამოყენებაზე, რომლებიც ასახავს მატჩებს, ერთიანად თუ ცალ-ცალკე, მოთამაშეთა გამოსახულების ჩათვლით.

### მუხლი 9. გუნდის უფლებები

ტურნირის მსვლელობისას თითოეულ გუნდს უფლება აქვს:

- 9.1 აწარმოოს მატჩების სატელევიზიო ტრანსლაციები ადგილობრივ ტელეარხებზე, კლუბსა და ს.კ.ე.ფ-ს შორის საგანგებოდ გაფორმებული ხელშეკრულების საფუძველზე.
- 9.2 საშინაო მატჩებზე ბილეთების რეალიზაციის.
- 9.3 გუნდის მოთამაშეების, მწვრთნელების და სამედიცინო პერსონალის უნიფორმაზე განათავსოს სარეკლამო საშუალებები.
- 9.4 ტურნირის მატჩების დროს, იმ სპორტულ დარბაზებში, რომელთა იჯარის თანხასაც იხდის კლუბი (გუნდი), სარეკლამო სივრცე ნაწილდება შემდეგნაირად:
- 9.4.1 თუ მატჩი ტარდება კლუბის (გუნდის) მუდმივ საკუთარ მოედანზე: 70%– მასპინძელ კლუბს (გუნდს), 30% – ს.კ.ე.ფ-ს, ცენტრალურ წრეში ეტიკეტის განთავსების უფლება – ს.კ.ე.ფ-ს, საჯარიმო ტყორცების წრეებში ეტიკეტის განთავსების უფლება – მასპინძელ კლუბს (გუნდს).
- 9.4.2 თუ მატჩი ტარდება ს.კ.ე.ფ-ს მიერ უზრუნველყოფილ მოედანზე თითოეულ გუნდს უფლება ეძლევა გამოიყენოს ს.კ.ე.ფ-ის მიერ გამოყოფილი ორი სარეკლამო ადგილი.
- 9.5 დამოუკიდებლად განკარგოს სახსრები, რომლებსაც მიიღებს საშინაო მატჩების დროს საკუთარი უფლებების რეალიზაციით.
- 9.6 დაამყაროს საკონტრაქტო ურთიერთობები სხვადასხვა კატეგორიის სპონსორებთან (გენერალური, ოფიციალური, ტექნიკური და ა.შ.)
- 9.7 ფლობდეს ინფორმაციას ტურნირის სპონსორების შესახებ.
- 9.8 ინდივიდუალური სასპონსორო ხელშეკრულებების გაფორმებისა მასობრივი ინფორმაციის ელექტრონულ და ბეჭდვით საშუალებებთან.

### მუხლი 10. გუნდის ვალდებულებები

ტურნირის მატჩების ჩატარებისას თითოეული გუნდი ვალდებულია შეასრულოს შემდეგი პირობები:

- 10.1 ხელშეკრულებების და შეთანხმებების გაფორმებისას აცნობოს სპონსორებს მათზე გადაცემული უფლებამოსილებების მოცულობა.
- 10.2 სპონსორებთან ხელშეკრულების გაფორმებისას აცნობოს მათ არსებულ შეზღუდვებზე.
- 10.3 გამოუყოს “ს.კ.ე.ფ”-იას 30 ადგილი თითოეულ მატჩზე იმ სპორტულ ნაგებობაში, სადაც მიმდინარეობს ჩემპიონატის, ევროპის თასების და სხვა საკალათბურთო შეჯიბრებების მატჩები.
- 10.4 წარადგინოს “ს.კ.ე.ფ”-ში გუნდის ოფიციალურად რეგისტრირებული სიმბოლიკა.



- 10.5 წარმოადგინოს მოთამაშეებთან გაფორმებული ხელშეკრულების (კონტრაქტების) ასლები.
- 10.6 ს.კ.ე.ფ-ის შეტყობინებისთანავე უზრუნველყოს მწვრთნელთა და მოთამაშეთა აუცილებელი დასწრება ტურნირის მატჩების მატჩისწინა და მატჩისშემდგომ პრეს-კონფერენციებზე.
- 10.7 უზრუნველყოს მწვრთნელთა და მოთამაშეთა მიერ ინტერვიუს მიცემა ტურნირის მატჩების ტელეტრანსლაციების მიმდინარეობისას.
- 10.8 (10.6) და (10.7) პუნქტების არშესრულების შემთხვევაში გუნდებს დაეკისრებათ ჯარიმა 150 (ასორმოცდაათი) ლარი.
- 10.9 მოთამაშე, რომელიც წინა სამატჩო მოთელვაზე ან გუნდის წარდგენაზე წარმოდგენილი არ იქნება გუნდის სათანადო ეკიპირებით თამაშზე არ დაიშვება.
- 10.10 მოთამაშის ეკიპირების შესახებ (იხილეთ დანართი №2)

## **თავი V. მოთხოვნები კლუბის (გუნდის) მიმართ**

### **მუხლი 11. მოედანი და აღჭურვილობა**

- 11.1 სპორტული ნაგებობები და აღჭურვილობა უნდა შეესაბამებოდეს „კალათბურთის ოფიციალურ წესებში“ აღწერილ მოთხოვნებს.
- 11.2 ტურნირის მატჩები გაიმართება „ს.კ.ე.ფ“-ის საგანგებო კომისიის მიერ მიღებულ სპორტულ დარბაზებში. დარბაზის ტევადობა – მინიმუმ 300 (სამასი) დასაჯდომი ადგილი.
- 11.3 ტურნირის მატჩები ჩატარდება ფირმა სპალდინგის (Spalding) ბურთით მოდელით (TF-1000).
- 11.4 თამაშის მსვლელობისას მუსიკალური ინსტრუმენტების გამოყენება ნებადართულია მხოლოდ მსაჯთა მაგიდის და გუნდების სკამების მოპირდაპირე მხარეს მდებარე ტრიბუნაზე.
- 11.5 ტურნირის მატჩების გადაღება უნდა იქნას უზრუნველყოფილი მასპინძელი გუნდების მიერ. დაუმონტაჟებელი მასალა მაქსიმუმ 2 დღის შემდეგ უნდა გადაეცეს მოწინააღმდეგე გუნდსა და კალათბურთის ეროვნული ფედერაციეს საშეჯიბრო დეპარტამენტის ხელმძღვანელობას.

### **მუხლი 12. გასვლითი შესვენებები**

მასპინძელმა გუნდმა სტუმარ გუნდს უნდა გამოუყოს:

- 12.1 სტუმარი გუნდის წინასწარი განაცხადის საფუძველზე, ტრანსპორტი მატჩის ჩატარების ქალაქის სადგურში ან აეროპორტში დახვედრისა და გაცილებისთვის, აგრეთვე ვარჯიშზე, მატჩზე და უკანა მიმართულებით მისაყვანად. ტრანსპორტის ხარჯებს იხდის სტუმარი გუნდი. წინასწარი განაცხადი უნდა გაკეთდეს ჩასვლის დღემდე არანაკლებ 7 დღით ადრე. იმ შემთხვევაში, თუკი წინასწარი განაცხადი არ გაკეთდა, ან გაკეთდა დაგვიანებით, სტუმარი გუნდი ტრანსპორტის საკითხს წყვეტს დამოუკიდებლად.
- 12.2 სასტუმროს ნომრები, სტუმარი გუნდის წინასწარი განაცხადის საფუძველზე, სასტუმროს ხარჯებს იხდის სტუმარი გუნდი. წინასწარი განაცხადი უნდა გაკეთდეს ჩასვლის დღემდე არანაკლებ 7 დღით ადრე. იმ შემთხვევაში, თუ წინასწარი განაცხადი არ გაკეთდა, ან გაკეთდა დაგვიანებით, სტუმარი კლუბი საცხოვრებელ საკითხს წყვეტს დამოუკიდებლად.
- 12.3 თუ წინასწარი განაცხადი გაკეთდა დროულად, მაგრამ მასპინძელმა კლუბმა დაარღვია 12.1. და 12.2. პუნქტები, მას ეკისრება ჯარიმა **400 (ოთხასი) ლარის** ოდენობით.
- 12.4 სპორტული დარბაზი ვარჯიშებისთვის (არანაკლებ ერთი საათი) თამაშის დაწყებამდე არაუგვიანეს 24 საათისა და თამაშის დღეს არაუგვიანეს 7 საათისა (არანაკლებ 45 წუთი) იმ დარბაზში სადაც იმართება თამაში.
- 12.5 6 (ექვსი) სათამაშო ბურთი ვარჯიშებისთვის.
- 12.6 სასმელი წყალი. ყოველი თამაშისთვის ერთ გუნდზე გაანგარიშებით 16 ცალი 0,5-ლიტრიანი ბოთლი.
- 12.7 ტურობრივი სისტემის დროს, ადგილები სათამაშო დარბაზში შეჯიბრების მონაწილეთათვის.
- 12.8 12.4.-12.7. პუნქტების დარღვევისთვის ჯარიმა **500 (ხუთასი) ლარი** თითოეული პუნქტისთვის.

### **მუხლი 13. ტურნირის მონაწილეთა უსაფრთხოების უზრუნველყოფის მოთხოვნები**

- 13.1 მასპინძელი კლუბი პასუხისმგებელია ტურნირის მატჩის მსვლელობისას მისი მონაწილეების (ს.კ.ე.ფ-ის წარმომადგენლები, კომისარი, მსაჯები, მსაჯი-მდივნები, მწვრთნელები, გუნდის წარმომადგენლები) უსაფრთხოების უზრუნველყოფაზე, აგრეთვე საზოგადოებრივი წესრიგის დაცვაზე თამაშის ჩატარების ზონაში მის დაწყებამდე, მიმდინარეობისას და დამთავრების შემდეგ.
- 13.2 თამაშის უსაფრთხოების უზრუნველყოფის ღონისძიებათა გეგმაში უნდა შედიოდეს:
- 13.2.1 ს.კ.ე.ფ-ის წარმომადგენლების, კომისარის, მსაჯების, მსაჯი-მდივნების, სტუმარი გუნდის წარმომადგენლების, მწვრთნელების, სამედიცინო პერსონალის, მოთამაშეების დაცვა, მათი აეროპორტში (სადგურში) ჩასვლის მომენტიდან; მათი თანხლება საცხოვრებელ და მატჩის ჩატარების ადგილებამდე.
- 13.2.2 ზემოაღნიშნული პირების დაცვა მატჩის დამთავრების შემდეგ, მათი თანხლება საცხოვრებელ და გასამგზავრებელ ადგილებამდე.

13.2.3 საზოგადოებრივი წესრიგის დაცვის ღონისძიებების გატარება თამაშის ჩატარების ზონაში მის დაწყებამდე, მიმდინარეობისას და დამთავრების შემდეგ.

13.2.4 საზოგადოებრივი წესრიგის დაცვის ღონისძიებების გატარება ს.კ.ე.ფ-ს წარმომადგენლების, კომისრის, მსაჯების, სტუმარი გუნდების მწვრთნელების, მოთამაშეების და სამედიცინო პერსონალის საცხოვრებელ ადგილზე.

13.2.5 საზოგადოებრივი წესრიგის დაცვის ღონისძიებათა გატარება დარბაზში გუნდების განთავსების ადგილებში.

13.2.6 თამაშის ჩატარების ზონაში აკრძალულია:

- ალკოჰოლური სასმელების გაყიდვა და მიღება;
- ნებისმიერი სახის სასმელის გაყიდვა და შეტანა მინის ბოთლებში;
- თამბაქოს მოწევა საგანგებოდ გამოყოფილი ადგილების გარდა;
- სათამაშო მოედანზე ნებისმიერი საგნის სროლა;
- მსაჯების, მოთამაშეების და მატჩის სხვა მონაწილეთა შეურაცხყოფა, მათ მიმართ მუქარა სიტყვიერი თუ სხვა ნებისმიერი ფორმით.

ამ წესების დაცვაზე პასუხისმგებელია მასპინძელი კლუბი.

13.3 მატჩის უსაფრთხოების უზრუნველყოფის მოთხოვნათა არშესრულების შემთხვევაში, რასაც მოჰყვება ინციდენტი, ს.კ.ე.ფ-ს გამგეობამ, საგანგებო გადაწყვეტილებით, შესაძლოა გამოიტანოს როგორც საჯარიმო ფულადი სანქციები, აგრეთვე:

- მომდევნო თამაშის ჩატარება მაყურებელთა გარეშე;
- თამაშის ჩატარება ნეიტრალურ ან მეტოქის მოედანზე.

**მუხლი 14. წარსადგენი დოკუმენტაცია**

- 14.1 ამონაწერი სამეწარმეო რეესტრიდან (საჯარო რეესტრის ეროვნული სააგენტოდან)
- 14.2 ცნობა სასამართლოდან, რომ არ მიმდინარეობს გადახდის უუნარობის საქმის წარმოება.
- 14.3 ცნობა შემოსავლების სამსახურიდან ბიუჯეტის წინაშე დავალიანების არქონის შესახებ
- 14.4 ცნობა მომსახურე ბანკიდან (ბანკებიდან). საბანკო ანგარიშზე (ანგარიშებზე) ყადაღის შესახებ
- 14.5 ცნობა საჯარო რეესტრის ეროვნული სააგენტოდან, იურიდიული პირის ქონებაზე (მასზე რეგისტრირებული ქონების არსებობის შემთხვევაში) საჯარო სამართლებრივი შეზღუდვის არსებობის შესახებ
- 14.6 ცნობა საჯარო რეესტრის ეროვნული სააგენტოდან რომ არ მიმდინარეობს იურიდიული პირის რეორგანიზაცია ან ლიკვიდაცია
- 14.7 ამ მუხლით გათვალისწინებული დოკუმენტაცია საშეჯიბრო დეპარტამენტს წარედგინოს 2016 წლის 15 ნოემბრამდე.
- 14.8 ამ მუხლით გათვალისწინებული დოკუმენტაციის მიტითებულ ვადაში წარუდგენლობის შემთხვევაში გუნდი არ დაიშვება საკვალიფიკაციოს ტურნირზე და “ა” ლიგის ჩემპიონატზე.

**თავი VI. მოთხოვნები ტურნირის მონაწილეთა მიმართ**

**მუხლი 15. მოთამაშეები**

- 15.1 ტურნირში მონაწილეობის უფლება აქვთ მხოლოდ გუნდის განაცხადში შეყვანილ მოთამაშეებს.
- 15.2 მოთამაშეთა მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – “ს.კ.ე.ფ”-თან შეთანხმების შემთხვევაში).
- 15.3 სათამაშო ფორმა უნდა შეესაბამებოდეს „კალათბურთის ოფიციალური წესები“-ს მოთხოვნებს, მოთამაშე რომელიც არღვევს “კალათბურთის ოფიციალური წესები“-ს და 15.2 პუნქტში მოყვანილ რეგულაციებს არ დაიშვება თამაშზე და დაჯარიმდება **100 (ასი) ლარის** ოდენობით.

**მუხლი 16. მწვრთნელები, გუნდის წარმომადგენლები**

- 16.1 მატჩის დაწყებამდე არაუგვიანეს 30 წუთისა, მწვრთნელებმა უნდა წარუდგინონ მატჩის კომისარს ტექნიკური განაცხადი, გუნდის განაცხადში, ლიცენზიები. მატჩზე დოკუმენტების წარდგენის ვადის დარღვევის შემთხვევაში მწვრთნელს ეკისრება ჯარიმა **50 (ორმოცდაათი) ლარის** ოდენობით.
- 16.2 მატჩის მსვლელობისას სათადარიგოთა სკამზე დაჯდომის უფლება აქვს თამაშის ოქმში შეყვანილ მოთამაშეებს (თორმეტი მოთამაშე), მწვრთნელთა შტაბის არაუმეტეს 3(სამი) წარმომადგენელს და მედაპერსონალის არაუმეტეს 3(სამი) წარმომადგენელს.
- 16.3 მატჩის დამთავრების მაუწყებელი ფინალური სასტვენის შემდეგ მწვრთნელმა, მწვრთნელის თანაშემწემ და გუნდის სხვა წარმომადგენლებმა დაუყოვნებლივ უნდა დატოვონ მოედანი და არ უნდა ეკამათონ მსაჯებს, კომისარს, მაყურებლებს.

## მუხლი 17. მსაჯები, კომისრები და მსაჯ-მდივნები

17.1 ტურნირის მატჩები ტარდება “ფიბა“-ს მიერ დამტკიცებული „კალათბურთის ოფიციალური წესების“ და წინამდებარე დებულების შესაბამისად.

17.2 მატჩების სამსაჯოდ შეიძლება დაინიშნონ მხოლოდ ს.კ.ე.ფ-ის მსაჯთა განყოფილების მიერ, მოცემული სეზონისთვის მსაჯები და კომისრები.

17.3 თითოეულ თამაშს ემსახურება ორი (ან სამი) მსაჯი, კომისარი და მსაჯ-მდივანთა ბრიგადა.

17.4 მატჩების მიმდინარეობისას მსაჯ-მდივანთა ბრიგადა შედგება მაქსიმუმ 8 წევრისაგან:

- მდივანი;
- დროის ოპერატორი;
- 24 წამის ოპერატორი;
- ტაბლოს ოპერატორი;
- მსაჯი-ინფორმატორი;
- ორი ან სამი მდივან-სტატისტიკოსი

17.5 მატჩის დაწყებამდე არაუგვიანეს 30 წუთისა კომისარმა უნდა შეამოწმოს გუნდის სერთიფიკატი და განაცხადში შეყვანილ მოთამაშეთა, მწვრთნელთა და სამედიცინო პერსონალის ფოტოსურათების შესაბამისობა მათ ვინაობასთან. თუ კომისარი თამაშზე დაუშვებს მოთამაშეს, მწვრთნელს ან სამედიცინო პერსონალს, რომლებიც არ არიან შეყვანილი გუნდის განაცხადში, მაშინ მას მიეცემა დისკვალიფიკაცია ს.კ.ე.ფ-ის მსაჯთა განყოფილების და საშეჯიბრო დეპარტამენტის მიერ დადგენილი ვადით.

17.6 მატჩის შემდეგ კომისარი ავსებს ანგარიშს დადგენილი ფორმით, უთითებს მასში დამრღვევებს, დებულების დარღვეულ მუხლებს, მსაჯ-მდივანთა მუშაობის ნაკლოვანებებს. იმავე ანგარიშში კომისარი ახასიათებს მსაჯებს და უწერს მათ შეფასებას.

დებულების დარღვევის ფაქტების დაფარვის შემთხვევაში კომისარი ჩამოშორდება ტურნირის მატჩების მომსახურებას საშეჯიბრო დეპარტამენტის მიერ დადგენილი ვადით.

17.7 თამაშის მსვლელობის დროს დარბაზში ელექტროენერჯის მიწოდება რამდენჯერმე შეწყდება და გათიშვის სერთო დრო აღემატება 40 წუთს, თამაშში შეწყდება, გადაიდება მეორე დღეს და დაიწყება გადადების მომენტისთვის არსებული ანგარიშიდან და დარჩენილი დროით.

- დარბაზში ხილვადობის არ ქონის შემთხვევაში მატჩის შეწყვეტის ან გაგრძელების გადაწყვეტილებას იღებენ უფროსი მსაჯი და კომისარი;
- შეხვედრის გადადებას, თავისი ხელმოწერით კომისრის ოქმში, ადასტურებს ორივე გუნდის მწვრთნელი;
- გასვლით მატჩებში გადადებული თამაშის შემთხვევაში გუნდის დაბინავებასთან და სხვა დამატებით ხარჯებთან დაკავშირებით პასუხისმგებელია მასპინძელი გუნდი.

## თავი VII. ტურნირის ჩატარების სისტემა

### მუხლი 18. ტურნირის ჩატარების სისტემა და დრო

#### ტურნირში მონაწილეობს 6 გუნდი

ტურნირი ტარდება 2017 წლის 9 იანვრიდან 2017 წლის 30 აპრილამდე.

18.1 ტურნირი ტარდება 3წრედ

18.2 გუნდები მატჩებს ატარებენ ორ წრედ მიმოსვლით - შინ და სტუმრად,

ხოლო ერთი წრე გაიმართება თბილისში.

სამი წრის შედეგების მიხედვით გუნდების კლასიფიცირდებიან 1, 2, 3, 4, 5, 6 ადგილებზე .

18.3 გუნდი რომელიც დაიკავებს 1 ადგილს, მოიპოვებს მომავალი, სუპერლიგის 2017-18 წლების სეზონში ასპარეზობის უფლებას.

18.4 “ა” ლიგაში 2, 3 და 4 ადგილზეზე გასული გუნდები ლიგაში ადგილს შეინარჩუნებენ მომავალი, 2017-18 წლების სეზონისთვის.

18.5 “ა” ლიგის ბოლო ორ – მე-5 და მე-6 ადგილზეზე გასული გუნდები ლიგაში დასარჩენ საკვალიფიკაციო სერიებს გამართავენ “ა” ლიგის შესარჩევი ტურნირის 2 საუკეთესო გუნდთან.

“ა” ლიგაში 5 ადგილზე გასული გუნდი საკვალიფიკაციო სერიას ითამაშებს “ა” ლიგის შესარჩევი

ტურნირის მე-2 ადგილზე გასულ გუნდთან, ხოლო “ა” ლიგის მე-6 ადგილზე გასული გუნდი

დაუპირისპირდება შესარჩევი ტურნირის 1 ადგილზე გასულ გუნდს. “ა” ლიგაში გადასასვლელი სერია ჩატარდება საპლეიოფო სერიებით. სერიაში გამარჯვებული გუნდი 2 მატჩის ჯამში გამოვლინდება.

კენჭისყრა გადაწყვეტს, თუ რომელი გუნდის მოედანზე გაიმართება სერიის პირველი და მეორე მატჩები.

თუკი გუნდები სერიაში თითო მატჩს მოიგებენ, უპირატესობა ბურთების შეფარდებას მიენიჭება. თუკი ორი მატჩის ჯამში გუნდებს ექნებათ ბურთების თანაბარი შეფარდება, დაინიშნება დამატებითი პერიოდი (პერიოდები) და სერიაში გამარჯვებულად გამოცხადდება გუნდი, რომელსაც დამატებითი პერიოდის (პერიოდების) დასრულების შემდეგ ექნება ბურთების უკეთესი შეფარდება. სერიის მატჩებში დასაშვებია მატჩის ფრედ დასრულება.



**ტურნირის საკვალიფიკაციო ეტაპი (თამაშები ჩატარდება ქ.თბილისში)**

18.6 ტურნირის საკვალიფიკაციოს თამაშობს ორი გუნდი. თამაშები ჩატარდება საპლეიოფო სერიებით. სერიაში გამარჯვებული გუნდი 2 მატჩის ჯამში გამოვლინდება. კენჭისყრა გადაწყვეტს, თუ რომელი გუნდის მოედანზე გაიმართება სერიის პირველი და მეორე მატჩები. თუკი გუნდები სერიაში თითო მატჩს მოიგებენ, უპირატესობა ბურთების შეფარდებას მიენიჭება. თუკი ორი მატჩის ჯამში გუნდებს ექნებათ ბურთების თანაბარი შეფარდება, დაინიშნება დამატებითი პერიოდი (პერიოდები) და სერიაში გამარჯვებულად გამოცხადდება გუნდი, რომელსაც დამატებითი პერიოდის (პერიოდების) დასრულების შემდეგ ექნება ბურთების უკეთესი შეფარდება. სერიის მატჩებში დასაშვებია მატჩის ფრედ დასრულება.

18.7 “ა” ლიგის 2015-2016წლების სეზონში ბოლო ორ – მე-5 და მე-6 ადგილებზე გასული გუნდები 2016-2017წლის სეზონში დასარჩენად ითამაშებენ გადასასვლელ მატჩებს “ა” ლიგის შესარჩევი ტურნირის 2 საუკეთესო გუნდთან. “ა” ლიგაში მე-5 ადგილზე გასული გუნდი საკვალიფიკაციო სერიას ითამაშებს “ა” ლიგის შესარჩევი ტურნირის მე-2 ადგილზე გასულ გუნდთან, ხოლო “ა” ლიგის მე-6 ადგილზე გასული გუნდი დაუპირისპირდება შესარჩევი ტურნირის 1 ადგილზე გასულ გუნდს. “ა” ლიგაში გადასასვლელი სერია ჩატარდება საპლეიოფო სერიებით. სერიაში გამარჯვებული გუნდი 2 მატჩის ჯამში გამოვლინდება. კენჭისყრა გადაწყვეტს, თუ რომელი გუნდის მოედანზე გაიმართება სერიის პირველი და მეორე მატჩები. თუკი გუნდები სერიაში თითო მატჩს მოიგებენ, უპირატესობა ბურთების შეფარდებას მიენიჭება. თუკი ორი მატჩის ჯამში გუნდებს ექნებათ ბურთების თანაბარი შეფარდება, დაინიშნება დამატებითი პერიოდი (პერიოდები) და სერიაში გამარჯვებულად გამოცხადდება გუნდი, რომელსაც დამატებითი პერიოდის (პერიოდების) დასრულების შემდეგ ექნება ბურთების უკეთესი შეფარდება. სერიის მატჩებში დასაშვებია მატჩის ფრედ დასრულება.

**თავი XIII. "ს.კ.ე.ფ"-ის და კლუბების (გუნდების) ხარჯები ტურნირის ჩატარებისას**

**მუხლი 19. "ს.კ.ე.ფ"-ის ხარჯები ჩემპიონატის ჩატარებისას**

- “ს.კ.ე.ფ” ანაზღაურებს:
- 19.1 ტურნირისთვის საჭირო თბილისის საკალათბურთო დარბაზების იჯარის ხარჯებს.
- 19.2 მსაჯების, კომისრის, მსაჯ-მდივანთა ბრიგადების მგზავრობის და მატჩის მომსახურების ხარჯებს.
- 19.3 სხვა საჭირო საორგანიზაციო ხარჯებს

**მუხლი 20. კლუბის (გუნდის) ხარჯები ჩემპიონატის ჩატარებისას**

- კლუბი (გუნდი) ტურნირის ჩატარებისას იხდის:
- 20.1 გუნდის მივლინების ხარჯებს ტურნირის მატჩებზე.
- 20.2 სტუმარი გუნდი – იმ ტრანსპორტის ხარჯებს, რომელიც სტუმარ გუნდს დახვდება სადგურში (აეროპორტში), მიიყვანს სასტუმროში, ვარჯიშზე, მატჩზე და უკან სასტუმროში, სადგურში (აეროპორტში).
- 20.3 მასპინძელი გუნდი – იმ ტრანსპორტის ხარჯებს, რომელიც მსაჯებს, კომისარს დახვდება სადგურში (აეროპორტში), მიიყვანს სასტუმროში, სპორტულ დარბაზში და უკან სასტუმროში, სადგურში (აეროპორტში).
- 20.4 სტუმარი გუნდისთვის, მსაჯებისა და კომისრისთვის განკუთვნილი მინერალური წყლის ხარჯებს.
- 20.5 მასპინძელი გუნდი ვალდებულია აანაზღაუროს მსაჯების, კომისრის, საჭიროების შემთხვევაში მსაჯ-მდივანების 2 (ორი) დღე-ღამით სასტუმროში მიღების და 3-ჯერადი კვების ხარჯები.

**თავი IX. დისციპლინარული დარღვევები და სასჯელები**

**მუხლი 21. დისციპლინარული დარღვევები და სასჯელები**

დისციპლინარული სასჯელის ზომას დებულებით დადგენილ ფარგლებში განსაზღვრავს “სადისციპლინო ტექნიკური კომისია”

გუნდის წარმომადგენლებს: მოთამაშეებს, მწვრთნელებს, მწვრთნელთა თანაშემწეებს, სამედიცინო პერსონალს ეკისრებათ პასუხისმგებლობა ქცევის წესების დაცვაზე მატჩამდე, მატჩის მსვლელობისას და მატჩის დამთავრების შემდეგ. წესების დარღვევისათვის დადგენილია შემდეგი სასჯელები:

- 21.1 შეურაცხყოფა სიტყვით ან უხესტით:
  - 21.1.1 მსაჯების, კომისრის, მსაჯ-მდივანების, მეტოქის, მაყურებლის, თანაგუნდელის მიმართ, გუნდის წარმომადგენლები ერთმანეთის მიმართ – ჯარიმა **200(ორასი)-დან 500 (ხუთასი) ლარის ფარგლებში** და დისკვალიფიკაცია 2(ორი) –დან 4(ოთხი) თამაშამდე.
  - 21.1.2 ტურნირის განმავლობაში განმეორებითი დარღვევისთვის – ჯარიმა **300 (სამასი)-დან 700 (შვიდასი) ლარის ფარგლებში** და დისკვალიფიკაცია–3(სამი) –დან 7(შვიდი) თამაშამდე.
  - 21.1.3 ტურნირის განმავლობაში მესამე დარღვევისთვის – ჯარიმა **800 (რვაასი) ლარი** და დისკვალიფიკაცია მინიმუმ 10 (ათი) თამაში.

21.2 ფიზიკური შეურაცხყოფისთვის:

21.2.1 მსაჯების, კომისრის, მსაჯ-მდივნების მიმართ – ჯარიმა **800 (რგაასი)-დან 1500 (ათასხუთასი)** ლარის ფარგლებში და დისკვალიფიკაცია 5(ხუთი)-დან 10(ათი) თამაშამდე.

21.2.2 მეტოქის, მაყურებლის, თანაგუნდელის მიმართ, გუნდის წარმომადგენლები ერთმანეთის მიმართ – ჯარიმა **500 (ხუთასი)-დან 800 (რგაასი)** ლარის ფარგლებში და დისკვალიფიკაცია მინიმუმ 5 (ხუთი) თამაშამდე.

21.3 იმ შემთხვევაში, თუკი გუნდი არ გამოცხადდება ან უარს იტყვის თამაშზე ან თამაშის გაგრძელებაზე: -პირველი დარღვევისათვის – გუნდს ჩაეთვლება წაგება „უფლების ჩამორთმევით“ და ჯარიმდება **3500 (სამიათასხუთასი) ლარით**.

-იგივე დარღვევის განმეორებისას – გუნდს ეძლევა დისკვალიფიკაცია სეზონის ბოლომდე და ჯარიმდება **7000 (შვიდათასი) ლარით**.

21.4 გუნდის ოფიციალური პირების (გუნდის ხელმძღვანელობა, მენეჯერი) არასპორტული ქცევა:

21.4.1 მუქარა, დაშინება ან არასპორტული ქცევა მეტოქის, მაყურებლის, მსაჯების, კომისრის ან მსაჯ-მდივანთა მიმართ – ჯარიმა **1000 (ათასი) ლარი**.

21.4.2 სეზონის განმავლობაში იგივე დარღვევის განმეორებისათვის – ჯარიმა **2000 (ორიათასი) ლარი**.

21.5 თუ პიროვნება რომელზეც უნდა გავრცელდეს ზემოთმოყვანილი სანქციები წარმოდგენილია ს.კ.ე.ფ-ის ასაკობრივ ჩემპიონატებში, მასზე ვრცელდება 2(ორი) თამაშიანი დისკვალიფიკაცია იმ ასაკობრივ ჩემპიონატში სადაც არის წარმოდგენილი, ხოლო თუ დისკვალიფიკაციის ვადა აღემატება შესარჩევი ეტაპის ბოლომდე გათვალისწინებულ კალენდარული თამაშების რაოდენობას, დარჩენილი სასჯელი გადადის ტურნირის მომდევნო ეტაპებზე.

21.6 დისციპლინური დარღვევის შემთხვევები და მათ გამო გასატარებელი სასჯელები, რომლებიც არ არის მოყვანილი 21-ე მუხლში, განიხილება ს.კ.ე.ფ-ს გამგეობის მიერ.

21.7 განსაკუთრებულ შემთხვევაში ს.კ.ე.ფ-ს სადისციპლინო-ტექნიკური კომისია უფლებამოსილია, თავის შეხედულებისამებრ, გაზარდოს სასჯელი დარღვევის სიმძიმის გათვალისწინებით.

21.8 გუნდის წევრებისათვის დაკისრებული, დებულებით გათვალისწინებული, ყველა სახის ჯარიმების გადახდა უნდა მოხდეს მომდევნო თამაშამდე, წინააღმდეგ შემთხვევაში თამაშის კომისარს ეკრძალება მათი დაშვება მომდევნო თამაშზე.

21.9 ზემოხსენებული ჯარიმების არადროულად გადახდაზე მთელი პასუხისმგებლობა ეკისრება გუნდის (კლუბის) ხელმძღვანელობას.

## თავი X. პროტესტი

### მუხლი 22. პროტესტის შეტანის წესი

22.1 პროტესტი ს.კ.ე.ფ-ში შედის წერილობითი ფორმით და „კალათბურთის ოფიციალურ წესებში“ ჩამოყალიბებული პროცედურების დაცვით.

22.2 პროტესტის შემტანი გუნდი იხდის წინასწარ თანხას **500 (ხუთასი) ლარის** ოდენობით. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

22.3 გუნდის პროტესტის განხილვის პირველ ინსტანციას წარმოადგენს ს.კ.ე.ფ-ს სააპელაციო კომისია.

22.4 თუ გუნდი არ ეთანხმება პირველი ინსტანციის გადაწყვეტილებას, პროტესტს განიხილავს ს.კ.ე.ფ-ს გამგეობა. ამ შემთხვევაში წინასწარ გადასახდელი თანხის ოდენობა იზრდება **700 (შვიდასი) ლარამდე**. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.